

初證長生後超劫運皆由得此而成證果

豈可忽之而不知究之哉所以直論直示人曰止火景

四問曰世人不知止火法者最多其後所證何如

仙聖不言止火者亦多雖見仙書遺言亦不知此爲要間或見有言者亦不知其洩祕之要既不知仙機不能證仙果我不知彼還可證甚果

答曰祇可長生不死爲欲界初成之果人仙是也能守一日則爲一日不死之人仙

陽精盛滿是長生之本根由其歸于丹田而後可得滿滿而守于此中則不虧而得長生暫守暫得久守久得故純陽祖

道藏輯要

仙佛合宗語錄

卷

六

畢集一

云世間甲子管不得盡裏乾坤只自由

百千萬億歲劫不死之人仙卽百千萬億歲劫久守之功也

王果齋云一日十二時時時不絕一年十二月月長存海

客論云汝能遠離房室元炁不散可以長生

又問曰用如何法守答曰陽精凝聚已結丹者謂之不死之基守在下田當不離小周薰蒸之候而溫養之

胎息經云知神炁可以長生固守虛無以養神炁又云若欲長生神炁相住太上久要心印經云存其神而守其炁又象伏龜故名神龜龜含水中有炁曰神炁人之根蒂俱在此處不復泄漏則真炁常住所以不死有真炁足則無可死之理

鍾離祖云真水真火合一鍊成大藥永鎮丹田浩劫不死壽齊天地胎息經云炁入身來謂之生天真皇人云炁不散則命不亡命不亡則形不滅也仙經云還精胎息延壽無極重陽祖云惜炁炁在丹田其人不死

若不久守以鎮下田其真炁猶可散於欲境而基亦可壞蕭紫虛云爲報近來修道者煉精不住亦徒然

是必要知火所當止而止之止了之後方可採大藥而超脫向上斯時卽得六通之一爲漏盡通也

漏盡通者陽精無漏成神通也爲六通之根本

男根如童子矣卽華嚴經所謂具丈夫形成就如來馬陰藏相是也

道藏輯要

仙佛合宗語錄

至

山文川

畢集一

卽老者返爲童之說精有洩竅者修成無洩竅精已枯竭者修成滿足大人之身根如童子之小根昔世尊修如來時成三十二相其一曰陰藏如馬蝗馬蝗能縮短腎莖縮短似之故以爲喻卽此說也此與真仙修證同若假稱佛宗而爲外道者不能有此

不知止火者則不能別用採工以求大藥而超脫何以得成真了道哉知止者採而得藥力足以通關實由得清源之水煉到火足而知止候不差之力也

此五句是言修之真證之實者成仙必矣



若藥不應採而不來卽丘祖真人所云火少則金精不飛之故也

修士不知火有止候之景亦不知無景之不當止乃妄止之而致火少則真炁未滿足大藥未成雖採而無藥可來此正教誡學者要知當止之景也

或得藥來而力不足以通關是知水源之初未知調藥不及於當採之時而炁微之病雖得藥來猶是氣微力弱不能衝關而成大道

藥生時採之太早則不真而生炁微正謂初九勿用若誤用微炁決無大成之功

道藏輯要

仙佛合宗諸錄

卷

畢集一

以此久守於丹田亦可爲長生人仙如炁足者亦如留得陽精決定長生者之小効

此卽次于炁足者愈于凡夫之不妄洩者

所有八百歲如錢鏗者

此欵何舉錢鏗爲證由其從來只見稱其壽不見稱其神通者蓋以採補小術小効而已不知先天自然之足炁乃不得先天足炁之功可以延年止于八百不可逃生死以超劫運卽此之類故足以證此

有七百年老古錐如佛弟子迦葉者

老古錐是言其端坐卓然如寶塔昔世尊言其不能不生死

如阿羅漢若如阿羅漢無生死則向上可超劫運不能無生死終有生死不能免故只見當時稱其七百年

有一千七十二歲如寶臺和尚者

一云寶臺和尚亦西土人來東者遇達摩于東度之

皆是此類但不能至年劫多求其壽齊天地而更能超劫運唯知止火得藥而通關服食入定出神者能之故靈寶度人經道言道壽無極天壽有窮人壽無定真與道通壽則無數所謂長生久視壽歷無極

呂祖真人云一點元陽以煉形化炁使形化炁超凡軀入聖品以三萬六千年爲一歲三萬六千歲爲一劫三萬六千劫

道藏輯要

仙佛合宗語錄

卷

畢集一

爲一浩劫浩浩之劫不知歲月之幾何而與天地長久仙經云服丹守一與天相畢

所以知止後有大異者如此昔鍾離祖仙翁云丹熟不須行火候更行火候必傷丹張紫陽亦云未鍊還丹須速鍊鍊了還須知止足若也持盈未已心不免一朝遭殆辱又彌勒云饒經八萬劫終是落空亡後聖可不知急於止火之候與

五問曰何爲周天火候答曰周天者如日月行天一晝一夜行天一周是也又問日月火候以何相如應喻一周答曰天體周圍三百六十度有餘者而火候亦三百六十餘者以此爲相如也借以太陽日理言之初自地之下而上升轉逆上於天之上